

# مجموعه ابوالخیر

۱۷ نجی سنہ

صفر ۱۲۱۴

جزء، عدد : ۵۸

## بیوک فرهدریق

تاریخ ، نام ذاتیارینه « بیوک » لقبی علاوه اولسان اکابر اعمده ، الک مشکل اموری ، قواعد معروفه بشری حکمسز براقان ووقوعندن اول سن وتجره لرندن اصلا مأمور ایدلمیان بر مهارت خارق ایله ، امور عادیه صرسته تنزیه کافی آثار دها تصویر ایلکده در .

ایتالیا اردوسی کنج بوناپارطدن بحث ایله « جنرالز دست ضعیف شبابیله پیشنده کی قهرمانان آهنین بدنی مجبور رجعت و مسلك حربده امرار ایام ایلش معارضاری دوچار قهر ونکبت ایلدیگی زمان هنوز چوجق ایدی » ديه افتخار ایده بیلور . بیگباشی لوورانس ، آرقوت محاصره سنی متعاقب روبرت قلابو Robert Clivس حقتنده « کوچک وولسهی Wolsey فطرة عسکر اوله رق تولد ایلش واون بش یاشنده اکمال تحصیل علوم ایله دارالفنوندن شهادتنامه سنی اخذ ایلدیگی زمان نامنه « چوجق مدرّس » لقب مفتخرت آوری علاوه ایدلمشدی » قولیله بیان حسیات ایلشدر .

فقط شمعدی ترجمه حالی موضوع بحث ایده جگمز بیوک آدم حقتنده حال بویله دکلدرد ، پروسیا قرالی فرهدریق صنعت حربی کمال سعی وغیرت و صبر و همتله اوکرنش اوله رق ، مظفریاتی ایسه مشکل و دائمی اولان اقدام خارق العاده سنک نتایجیدر . بعض حکمدارانک خصائل ذاتیهرلی آفتاب موفقیتلری شعشمه انداز اطراف اولدینی وقت میدانه چیقاز . فرهدریقک خصائص فوق العاده سی ایسه

انهزام و مغلوبیت و تهلكه و فلاكت زمانفرنده رونما اولمشدر . جسارت و جرأتی  
احوال و الجا آتله برابر ترفع ایدردی . شب مهالك و مصائب نه قدر ظلمت انگیز  
اولورسه اولسون، بو حکمدار پراقتدارك قلب آهنینی هیچ بروقت، ولو بر لحظه اولسون،  
بولنیدیغی موقع اعلاى عظمتیدن نزل ایتمدی . فرەدریقك هر نه قدر خطیائیده  
وارسده کندیسی او دور موه و ماته بر حقیقت عظمی ایدی . عموماً اوروپا  
حکمدارلرینك سفاقت و سوسی اخلاق و بی قیدی به طالعقری عصر مذکورده  
فرەدریقدن بشقه تبعهسی منافعی نظر اهمیتده طوتهرق محافظه سینه سعی ایدر بر  
حکمدار یوق ایدی .

ژان هوسك Jean Huss احداث ایلدیگی تفرقه مذهبییه بر طرف ایلک اوزره  
۱۴۱۴ سنه سنده قونستانس Constance شهرنده کلیسا مجلس کبیر روحانیسی جمع  
ایدن آلمانیا امپراطوری سیگزموند Sigismund براندبورغ مارکیلیگنی Nuremberg  
نورمبرغ بورغراوی اولوب Hohenzollern هوهن-زوللرن خاندان اصالتی افرا-  
دندن بولان Frederic von Buren فرەدریق فون بورنه توجیه ایلشدی . بو توجیهدن  
ایکی بحق عصر صگره . یعنی و سستفالیه معاهده سیله ( محاربه سیساله ) به ختام  
ویرلدیگی زمان « منتخب کبیر » عنوانی حائز بولان براندبورغ مارکیسی فرەدریق  
ویلهم، Magdeburg ماغده بورغی دخی تحت حکومتنه ادخال ایله توسیع ممالک ایلدی .  
و مشار الیهک اوغلی و خلفی فرەدریق دخی ۱۷۰۰ سنه سنده قراللق عنوانی احراز  
ایله پروسیا قراللرینك برنجیسی اولدی .

« بالآخره » بیوک « تسمیه اولان فرەدریق ۱۷۱۲ سنه سی کانون ثانی سنك  
۲۴ نجی گونی زیب آور مهد وجود اولدینی زمان، بیسوك پدری قرال برنجی  
فرەدریق پروسیا تحت جدید حکومتنده جانشین ایدی .

صاحب عظمت و محب شوکت اولان برنجی فرەدریق حفیدینك تولدنن بر  
سنه صگره وفات ایدرك، مخدومی برنجی فرەدریق ویلهم مقام پدره جالس اولدی .  
بو، سرد و افراط ایله تفریط بینن حائز و غایت ساعی و مقدم حکمدار، حقیقه  
شایان حرمت برذات اوله رق، صرندن چیقارمیدینی عسکری اونیفورماسی و قشله

عاداتی طرز زندہ کی اصول معیشتی ایلہ ، اور وپانک اکثر سرایلرینی استیلا ایدن  
البسہ سی عطریاتہ مستغرق ، سوسلی وپارلاق نازندہ پرنسار میانندہ جالب انظار  
دقت بر تضاد غریب حصولہ کتور مکدہ ایدی .

فرہ دریق ویلہامک ، مخدومنی سودیگی و حسن تربیہ سنہ نصب نظر اہمیت  
ایلدیگی شہدہن وارستہ در . فقط ہیج بد بخت برشاگرد یوقدرکہ ، تربیہ بدنیہ  
وذہنیہ سنہ بو پروسیا پر نی قدر ناقابل تحمل بر صورتلہ تثبث و دوام ایدلمش  
اولسون . بوجوجفک عراقی ، متجسس اولان فکریہ ہرشی الہ قوری و متصافانہ  
برشکلدہ عرض ایدی لوردی . بعض خطیات حقیرہ طفلانہ سنہ جزا اولوق اوزرہ  
از برلندیریلان عقائد کتاباری و الہیلر فرہ دریقی علی الہوم تدریسات مذہبیہدن  
متفر ایتمشدر . فرانسر معلملر فرہ دریقی فرانسیہ مؤلفلری آثارندن لذتیاب  
ایلشلردی . حالوکہ کندیسینک ، او وقت الہ عادی بر حال انحطاطدہ بولندی  
درکار اولان مملکتی ادبیاتنہ ذرہ قدر وقوفی یوق ایدی . مشار الہاک بر قسم  
معلوماتی مہارت عسکر یہ سنی تربید و توسیع و شہرت عسکر یہ نائلیت آرزوسنی  
قلبنہ الفا ایلہ صگرہ کی مسلک نہ صورت مہمدہ اجرای نفوذ ایتشدر . فرہ دریق -  
ویلہامک افکاری میانندہ الہ زیادہ قابل اجرا اولانی عساگر کلیہ منتظمہ محافظہ سیلہ  
پروسیایی بر دولت معظمہ ہیئتہ افراغ ایلک ایدی . حکمدار مشار الہاک آلتمش  
بیٹ منتظم عسکری و یاخود کندیسینک بعض کرہ کال افتخار ایلہ سویلدیگی  
وجہلہ « اشکالات اجنبیہ قارشو آلتمش بیٹ حقی برہانی » وار ایدی . و اوغلی  
پرنس دہ کوچک یاشندنبرو کنجاردن مرکب بر فرقہ عساگر میانندہ ادخال ایدیلہ رک  
صرہ سیلہ بالجلہ مراتبدن کچمش و بو عسکر میانندہ یوز باشی . بیگباشی . وقائع مقام  
رتبہ لرینی احراز ایلہ رتبہ مذکورہ بہ مرتب وظائفنی کال دقتلہ ایفا واجرایہ اہتمام  
ایتشدی . فرہ دریقک ایلرودہ عسکرلک صفتیلہ اکتساب ایلدیگی موقع اعلای -  
شہرتک الہ باشلی اسباب احرازندن بری دہ کندیسینک بو وجہلہ صغر سندنہ صنعت  
حربک بالجلہ غوامض و وقایع نہ کسب وقوف و معلومات ایلسنی اولدینی آشکاردر .  
فقط قرال اوغلی عسکرلک مسلک نہ لزومندن زیادہ حصر نفس ایتدیرمک

آرزو سنده بولندیغندن، بو حال، بالآخره برنسك اطاعت كامله سی بر مخالفت شدیدیه منقلب اولمسی انتاج ایلدی. برنسك قدر شناس ادب اولان فکر ترقی-جویانه سی، کندی عصرنده کی فرانسه آثار ادبیه سنه مفتون ایتمشیدی. راسین ایله قورنه يك اشعارینی سور و مؤلیه رك مهارت مزاج آمیزینی تقدیر ایلردی. صکره لری ایسه باجله حیرت و مقتونیتی و ولتر اوزرینه مجلوب اولمشیدی. حال بوکه پدری تربیه فکریه گورمالمش اولدینی جهتله اکلنجه اوله رق عموماً عادى شیر انتخاب ایلر ایدی. اکثر اوقاتی یا توابعندن (Western و سترن) ایله برلکده اجرای صید و شکار ایدرك امرار ایلر و یا خود گچهلرینی، سراینده طویلانان « انجمن دخان » ده کچیر ایدی. بوجمیت امرای عسکریه دن مسن بولنانلر ایله مشاوره دولت صفتی حائر اولانلر داخل اوله رق، بونلرده بول بول بیرا و توتون ایچرلر. و مسافرینه غایت قبا صورته شقالر و ملاطفه لر ایدرك اگلتورلر ایدی. قرال مخدومنك دخی بوجمیت محترمه اعضاسی میانه دخوانی آرزو ایتدیگندن، گنج برنس ده آرده صروده مذکور انجمنك صورت و طرز حرکتی حقسنده بعض مزیتفانه افادات و ملاحظاته بولندی. وجودی نادر اولیان غمازلر ایسه برنسك بو تزییفکارانه افاداتی پدرینه یتشدیرمکده قصور ایتدیلر. انجمن دخانده کی ملاطفات و معاملات درشانه برنسك نه قدر ضدینه گیدیورسه و و ستر هاوزن Weosterhausen صیفیه حکمداریسی جوارنده اجرا ایدیلان بتمز توکنمز صیدلرده جان صقمقده آندن آشاغی قلمامقده ایدی. قرال مخدومنك دائمی صتی بر اونیفورمه کی یرك بشقه البسه اکتسا ایلامسنی امر ایلدیگی و برچوق تعلیم و مانورلرده بولمسنی اجبار ایتدیگی زمان، برنسك وظائف عسکریه سی دخی کندیسنه آغر گلمکه باشلادی. بو صورته باشلایان اختلاف و مبانیت گتدکجه کسب جدیت ایلدی. نهایت پدر اوغله اخلاقی بوزولش تبیل بر فیلاوطه جی و متکبر برحیلاز نظریله باقدینی گچی. برنسنده مدت عمرینی بر طاقم تهدیدات و اوامر یهوده ایله بالاشتغال کچیرن پدر غریبالاطوارك قبالغنه نظر انداز استخفاف اولغی اعتیاد ایدندی.

پروسیا خاندان حکمداریسنگ اووقت ساقسونیا منتخبی ولهستان قرالی بولان  
 آوغوستوسک Augustus سرای پر دبدبه وداراتی زیارتلری زمانده ایسه برنس -  
 فرهدریق پدرینک بای تختی احواله کلیاً مخالف بر حال مشاهده ایلدی (درسده)  
 شهرنده گوردیگی شنلکلرک فرهدریقی برلینده کچبردیکی راحت سادگی و صورت تعیش -  
 مساعیکاراندهن کلیاً بیزار ایلدیگی ظاهر حالدن آکلاشلقددهر . پدر ایله اولاد  
 بیننده موجود اولوب، برنسک حبسنی واک عزیز رفقاسندن برینک قتل واعدامنی  
 انتاج ایدن اختلافات شدیدده اوزماندن اعتباراً رونما اولمقددهر . بو اختلافاندن  
 طولانی باجله قباحتی پدر اوزرینه یوکلتمک بین المؤلفین معتاد اولمشدهده، قصورک  
 نصفی دخی برنس طرفنده اولدینی و مشار الیه گویا بونی امل مخصوص ایدمش  
 کبی هرخصوصده پدرینک تمایلات ذاتیه سینه مغایر حرکتده بولندینی درکاردر .  
 مثلاً قرال اوغلانک وظائف عسکریه و سیاسیه سنی ایفایه حصر نفس ایلسنه انتظار  
 ایلدیگی حالده، برنس موسیقی شناس Quantz قوآنز ایله برلکده فلاوطه تعلیمیه  
 اشتغال ایلردی . دائماً فرانسزجه آنار اوقومق استر و باخصوص پدرینک،  
 آناری نهیه دائر اولدینی آکلامقدمه کی اقتدارسزغیله متناسب بر صورتده، نفرت  
 ایلدیگی محررین و حکمانک مؤلفاتی اوقومغه چالشوردی . برنس بو وجهله  
 پدرینک رضاسی تعلق ایتمیان ایشلرده بولندقدن بشقه، دؤچار دیؤن دخی اولهرق  
 قرالک خبری اولمقسنرین برخیلی استقراضانده بولندی .

جاذبه لی و فقط اخلاقی برار سفاخته متمایل بولان بر تهلکلی رفیق، یعنی کنج  
 ملازم فون درکاته Von der Katte دخی هرشیئک مقدر اولسی لزومی حالنده  
 اجرا ایدیلان ذلهیه قارشو بر معذرت مشروعه اولدینی طرزنده وقرالک اذ زیاده  
 نفرت ایلدیگی صورتده افادات ایله برنسک تمایلات طبیعیه سنی تشویق ایلردی .  
 قرال ایسه بو احوالک جمله سندن خبردار اولمغله، ولد کبیرینه نسوان پسند، اخلاقی  
 بوزؤق و بولندینی مقامه غیر لایق بر خیالکار نظریله باقمده ایدی . بیچاره دلیقانی  
 کندیسنه ایدیلان معاملات درشتانهیه بر خیلی مدت تحمل ابدی . بو تحمل ایسه  
 اختیار مستبد طرفندن بر قورقلاق اثری اولمق اوزره تلقی ایدیلهرک، حتی بر

دفعہ سندنہ اوغلنہ باستونیلہ اؤز دینی صرمدہ « اگر پدرم، بنم سکا اؤر وشم گبی بنم  
حقمدہ بر معاملہ دہ بولغش اولسہ ایدی، شمعدی یہ قدر بیٹ کرہ آنی ترک و فرار  
ایدردم . سندنہ بونی پیاجق قدر جسارت و ادغان دخی مفقوددر « دیمش ایدی .  
نہایت پرنس ایچون بو تضیقندن فرار ایلہ قورتللق ایچون بر زمان مساعد  
حلول ایلدی . قرال آلمانیاٹک جنوبنہ بر سیاحتہ تشبث ایدرک ( پرنس رؤآیال )  
اولدینی حیثیتلہ اوغلی دخی برلکدہ بولنہ جق ایدی . کینج فرمدریق ایلمک وقت  
فرستدہ فلنگہ واورادن انگلترمہ فرارہ قرار ویردی . فقط تصویرنی تمام اجرا  
ایدہ جگی صرمدہ یقای دہ الہ ویردی . فرمدریقک محبی ورفیق فراری قاتنہ یازدینی  
برمکتوب ہر نعلسہ محلنہ تسلیم اولنہ میوب، قرالک الہ کچمکلہ، تشبث واقع و بونک  
صورت اجراسی حقندہ ذرہ قدر شہہ بر اقامشدی . قرال فنا حالہ حدنلندی .  
فرمدریق توقیف ایتدیرمدرک حبس و ہر درلو اختلاطدن منع ایلدی . وحتی  
لاجل الاستجواب حضورینہ چیقدینی زمان باستونی ایلہ یوزینہ بیلہ اوردی . پرنس  
بر بولتیقہ جانیسی گبی تحت توقیفدہ طوتیلوب قرال کنڈیسنی Wezel و مزملدہ  
استجواب ونہ ایچون فرار تشبثندہ بولندینی سؤال ایتدی .

فرمدریق ایراد اولٹان سؤلہ — چونکہ بکا اولاد گبی دگل، اسیر گبی معاملہ  
ایدیورسکز — دیہ جواب ویرمش قرال حدتلہ — سن وجدانمز وناموس و حیانہ  
اولدینی یلنز بر آلق فراریسٹ — دیہ باغرمسی اوزرینہ فرمدریقدہ بوکا — بنم  
یرمدہ اولسہ کز یاہ جغکزی یوز کرہ سولش اولدیغکز شیدن بشقہ برشی یامدم —  
دیہ مقابلہ ایلشدر . قرال حدتندن سل سیف ایدرک اوغلنی اولدیرمسنہ رملق  
قالمش ایکن، قلعہ محافظی جنرال موزل Mozal نامندہ بر صادق اورتیہ آتیلہرق —  
حشمتینہم ! بنی اولدیریکز، فقط اوغلنکڑہ مرحمت ایدیکز — دیہ توسط اینسی  
اوزرینہ فرمدریقینہ موقوفاً حبس خانہ سنہ گوندرلمشدر . فرمدریقک رفقاسندن  
قایٹ Keit پرنسک گوندردیکی بر تذکرہ اوزرینہ فرارہ موفق اولمشدی . قاتہ  
ایسہ او قدر بختیار اولیوب اودہ پرنسندن بر تذکرہ آلہرق قاجق نیتندہ بولغشسہ  
تمام بار گیرہ بنوبدہ فرار ایدہ جگی صرمدہ توقیف ایلدی .

قرال بو وقعدن فوق الغایه منفعل و غضب آلود اولدینی حالده برلینه عودت ایدرک، پرنس ایله همشیره سی پرنسس ویلهلمینای اولدیره جگنه یمین ایتدی . بتون سرای خلقی نه یابه جقلری شیئر مشلردی . سادہ قرالچہ ناک معیتده بولنان بر صاحبه جرأت، حکمدارک بو عزم غضوبانه سنه قارشو اعتراضه جسارت ایله مشار الیهی عزم واقعدن دوندرمگه موفق اولدی .

پرنس فرہ دریقک محبسی اولمق اوزره کوسترین Cüstrin قلعه سی تعیین ایدیلهرک کندیسى غایت دقتله محافظه ایدلدى . حتی کتاب قلم و مرکب و طعام اثناسنده بر بحاق و برمه جک درجه ده التزام شدت اولندی . زواللی قاته ایله پرنسک فراریلک ایله متمماً محاکمه لری تحت قراره آلمشدی . دیوان حرب پرنسی محاکمه دائره صلاحیتی داخلنده اولمديغنی بالیان، قاته یی رفع رتبه ایله قلعه بندلیگه محکوم ایلدی ایسه ده قرال بو قراره فوق العاده حدت ایدرک، قاته یی ناموس حکمداری به عدم رعایت و تجاوزده بولنديغنی ایچون اعدام ایتدیردیگی کبی، پرنسک حیاتی دخی بیوک تهلکه ایچنده بولنیوردی . فقط دول اجنبیه دن بعضیلری و خصوصیه آوستریا دولتی بو خصوصده تبلیغات توسط کارانه ده بولندقلری کبی، قرالده قاته ناک اعدامیه بر درجه یه قدر تسکین غیظ وحدت ایلش بولنديغدن، پرنسه بر مکتوب گوندزیه لهرک دها بر مدت قلعه ایچنده او طوره جفی و فقط داخل قلعه ده متشکل مجلس حکومته اعضا صفتیه داخل بولنه جفی اشعار ایدلدى . پرنس بوندن مقصد کندیسینک عفوی اولدینغنی لایقيله ادراک ایلدیگندن ، تدبیر و مهارتی و وظائفنه سعی واقدامی سایه سنده قرالک تمایلات شفقت کارانه سنه براز دها تقویت ویره رک ، نهایت پدر واولاد بیننده وقوع بولان بر ملاقات اوزرینه جدأ مصالحه و استلاف حاصل اولهرق، پرنسس ویلهلمینانک Wilhelmina بایروت Beyreuth مارغراوی ایله نشاننامسی رسمینک حین اجراسنده ، پرنس ده تکرار سرای حکمداریده عرض وجود ایلدی . ورتبه عسکریه سنک اعاده سی استلاف واقعی اکمال و اتمام ایتدی .

فره دریقک کچوردیگی دور مشاق و مهالک کندیسینک اخلاق و طبیعتنه تقویت و بر مکله براز تعلیم احتیاط ایلسنی موجب اولدی . او زماندن اعتباراً پدرینک تمایلاتنه صورت

عاقلاً نده اتباع ایدرك، خصوصیه آرزوی پدره توفیقاً آلمانیا ایمپراطورینك اقرباسندن (Elisabeth Christine von Brunswick Bewern) پرنسس الیزابت قریستین فون برو-نشویق (بورن) ایله ازدواجندن صگړه قرالك اوغلی برانگیلز پرنسس ایله لاجل-الازدواج اتریقهلرده بولندیغه دأر شایع اولان شبهات کلیاً زائل اولدی. مع مافیه بوازدواج فرهدریقك بقای صلح عالمه ایچون ایتدیگی برفداکارلق اوله رق، مشارالیه پدینك آوستریا پولتیقهسی الجا آتیه تزوجه مجبور اولدینی زوجه سنی اصلا سومامش و مزبوره یی هیچ بروقت محرم اسرار ایدنمأمشدر. بوازدواجله فرهدریقك تاریخنده بارلاق بر صحیفه کشاد اولنمشدر. فرهدریق قوماندۀ ایلدیگی آلايك بولدینی روپین شهری جوارنده کأن راینسبرغ Rheinsberg شاطو سنده اختیاراقت ایله، اوراده برقاج سنه مدت ایلروده اوروپایی متحیر ایدن خصائص فوق العاده سنك وجودندن کسه یی شبه اندیرمیه جك بر صورتده امرار ایلمشدر. اکثریسی فرانسه دن کلمه بر جوق خوش صحبت و شن رفقا جمعه ساده اون ایکی اعضادن مرکب اولق اوزره (بایارد) نامنده بر شوالیه جمعیتی تشکیل ایدرك، جمعیت مذکوره یه نامی حاز اولدینی مشهور فرانسز شوالیه سنك آرمارلنده محرر اولان « نه قورقارم، نه ده لوم و تقبیحدن محترزم » کلامی شعار اتخاذ ایلش و بو جمعیتده عموماً ادبیات و باخصوص فرانسه مؤلفات ادبیةسی ایله اشتغال ایدیلهرك، بالذات فرهدریق دخی مفتونی اولدینی و ولتر طرزنده بعض آثار شعریه انشاد ایلمشدر.

[ مابعدی نسخه تالیه ده ]

معارف عمومیہ مکتوبچیسی

سری

